


10
855



古102

7

-895.2


部-3





金麟
瑞璫

董金南題籤



光緒中
辰寒夕
會稽取
斯堂董
氏功成

欽定四庫全書總目


金薤琳琅二十卷

浙江汪啓淑家藏本

明都穆撰穆有壬午功臣爵賞錄已著錄是書倣隸釋之例取金石文字蒐輯編次各爲辨證凡周刻二秦刻六漢刻二十三隋刻五唐刻二十七於古碑皆錄原文其剝落不完者則取洪适隸釋補之不盡據石本也潛研堂金石文跋尾論其載韓敕造孔廟禮器碑不知隸釋所錄但有碑陰而無兩側乃誤合兩側於碑陰更譏洪适之闕漏又論

其所釋兩側之文以河南偃師爲河浦退師任城
亢父爲俟成交父舛謬殊甚今考其中若第七石
鼓內游字下一字石鼓作斲薛尙功作憂此乃作
夏會稽石刻無鼻之鼻卽罪字此作辜字書體頗
誤又秦山石刻旣天下句秦篆譜旣字下有平字
與史合而此碑於旣字下不註闕文疎略尙往往
而有然所錄碑刻具載全文今或不能悉見金石
文跋尾謂所載貞元九年姜嫫公劉廟碑今已損
失三十餘字是可以備參核矣穆別有南濠文略

六卷其後二卷卽此書所載諸碑跋蓋用集古錄
跋尾編入本集之例然穆之文章在可傳可不傳
之間不若以此本孤行也



叙

宋考据金石文字者其傳有歐陽氏趙氏洪氏董氏凡
數家之所證引其疎密短長今姑無暇衡推而論其大
體要必以番易爲最善蓋三家或偶舉一義或偏撮數
言而唯隸釋之作則全寫其文亦悉摹其形闕者具著
其所闕多寡之數雖灼然可知其爲某字者亦勿之益
後之人撫其遺文而讀之則時代之升降文章之瀟瀟
字畫之正變事迹之詳略體式之異同雖去其人千載
之遠而其面貌若可彷彿而得但謂可資以質正史傳

此猶屬一隅之論也明人南濠都元敬氏亦著一書名曰金薤琳琅所錄一以洪氏爲法而以所及見者爲斷蓋都氏生後於洪又數百年愈遠則剝泐愈多固其理也嘗見薛尙功鄭漁仲所載石鼓文班班可讀豈當時果能完備若斯哉又如瘞鶴銘邵興宗張子厚之流亦各以意屬讀故彼此差闕而莫能相一競逞私智妄爲附益則何以取信於後識者病焉都氏固無此失所微不足者其點畫不能悉依本文而每易以近體且閒有不審致譌者故諸家徵引其書而亦不恕其誤吾鄉汪

子荻洲家有此書惜其致力之勤而以微管爲累於是取所藏石刻自獵碣而下字字比較一還其本真亦有洪氏闕而今本有者吾始亦疑之復取其搨本參對果不誣蓋搨本容有精簡之不同而且一經翦裁并先後亦有不能盡合者今則取而悉正之且明著其說甚矣汪子之爲功於都氏者非淺淺也世所傳鐵網珊瑚亦云出自元敬近年以來有爲之板行者顧謬加改易舛譌顛錯至不可讀於所集趙希鶴何良俊盛世泰諸人之書復一槩抹撥而以爲都所自著蓋余所見雕本之

書無有若此之荒唐者夫同一都氏所著而其謬若彼其精若此殆有弁不弁焉古云傳之其人信乎傳之不得其人猶弗傳也若汪子者信其人也夫刻既成弁數語於首實爲是書慶所遭云

乾隆四十三年季冬月吉東里盧文弨書

金薤琳琅目錄

卷一

周壇山石刻 穆王

周石鼓文 宣王

卷二

秦嶧山刻石 始皇廿六年

秦泰山刻石 無年月

秦會稽刻石 始皇廿七年

秦之罘刻石 無年月

秦琅邪臺刻石 始皇廿八年

秦詛楚文 無年月 案此惠文王時應在始皇嶧山諸刻石前但此文後出都氏亦頗有

疑辭故置卷末耳下漢諸碑亦不盡依世年為次考洪氏隸釋亦然今悉仍其舊唯趙氏金石錄次

弟為不紊云

卷三

漢魯相置孔子廟卒史碑 桓帝永興元年六月

漢魯相晨孔子廟碑 靈帝建甯元年四月

漢魯相晨孔廟後碑 靈帝建甯三年三月

漢魯相造孔廟禮器碑 桓帝永壽三年九月

韓勅碑陰

漢泰山都尉孔宙碑 桓帝延熹七年二月

門生故吏名

卷四

漢博陵太守孔雋碑 靈帝建甯四年六月

孔雋碑陰

漢司隸校尉魯峻碑 靈帝熹平二年四月

魯峻碑陰

漢北海相景君碑 順帝漢安二年八月

景君碑陰

漢敦煌長史武斑碑 桓帝建和元年二月

卷五

漢執金吾丞武榮碑 靈帝時無年月

漢荊州刺史度尙碑 桓帝永康元年

漢桂陽太守周府君碑 靈帝熹平三年

周府君碑陰

漢衛尉衡方碑 靈帝建寧三年二月

卷六

漢酸棗令劉熊碑 無年月

漢淳于長夏承碑 靈帝建甯三年六月

漢西嶽華山廟碑 桓帝延熹四年七月

漢元儒先生婁壽碑 靈帝熹平三年正月

漢蕩陰令張君碑 靈帝中平三年二月

卷七

漢堂邑令費鳳碑 靈帝熹平六年

漢堂邑令費鳳別碑

漢溧陽長潘乾校官碑 靈帝光和四年十月

漢郎中鄭固碑 桓帝延熹元年四月

漢廬江太守范式碑 魏明帝青龍三年

梁陶宏景瘞鶴銘 無年月 此碑原本不錄今增入

卷八

隋皇甫府君碑 文帝仁壽四年貞觀初立

隋龍藏寺碑 文帝開皇六年十二月

隋姚恭公墓誌銘 煬帝大業七年十月

隋緣果道場塼塔記 煬帝大業九年

卷九

唐洛陽令鄭府君碑 武后久視元年六月

唐杳冥君銘 武后神功元年

唐郎官石記序 元宗開元十六年七月

卷十

唐臧尙書碑 代宗廣德元年十月

唐元靖李先生碑 代宗大曆十二年五月

卷十一

唐千福寺多寶佛塔碑 元宗天寶十一載四月

唐顏魯公與郭僕射書 無年月

卷十二

唐嵩岳少林寺碑

元宗開元十六年七月

唐少林寺靈運禪師碑

元宗天寶九載四月

唐少林寺戒壇銘

元宗開元三年正月

卷十三

幽州昭仁寺碑

太宗貞觀四年十一月

卷十四

唐西平郡王李公碑

文宗太和三年四月

唐大達法師元祕碑

武宗會昌元年十二月

唐柳公權小字清淨經

無年月

卷十五

唐天台山桐柏觀頌

元宗天寶元載三月

唐唐興寺碑

元宗開元六年九月

唐唐實際寺隆闡大法師碑

元宗天寶二載十二月

卷十六

唐故太尉文貞宋公碑

代宗大曆七年九月

唐故太尉文貞宋公碑側記

代宗大曆十三年三月

卷十七

唐達奚珣遊濟瀆記 無年月

唐濟瀆廟北海壇器物銘 德宗貞元十三年

唐姜嫄公劉廟碑 德宗貞元九年四月

唐伯夷叔齊二公碑 元宗開元十三年

卷十八

孔子廟堂碑 太宗貞觀四年

破邪論序 無年月

卷十九

唐邠國公功德銘 穆宗長慶二年十二月

卷二十

唐顏魯公小字麻姑壇記 代宗大曆三年

唐顏少保碑 德宗建中元年七月

補遺

夏禹衡岳碑 無年月


漢郤陽令曹全碑 靈帝中平二年十月

曹全碑陰

唐景龍觀鐘銘 睿宗景雲二年九月

唐建諸葛武侯祠堂記 憲宗元和四年二月

金薤琳琅目録終



金薤琳琅卷一

太僕少卿吳郡都

穆

周壇山石刻



周石鼓文

周壇山石刻

吉日癸巳

贊皇縣壇山上有周穆王刻石四字曰吉日癸巳

筆力遒勁有劍拔弩張之狀地荒且僻歷數千年

鮮有知其奇古而往寓目者雨激風射日銷月鑠

幾何其不遂堙滅廣平宋公皇祐四年秋九月自
亳社之鎮鎮陽趙其屬郡也公過趙日嘗訪此字
於士大夫未聞爾後郡守王君使縣人尋訪得之巖
石之上令劉莊者因督工鑿取輦致歸我時人始
驚觀者日至噫此刻埋没人不知識因宋公一言
今遂出幽晦取愛重於世石雖不能言其亦可謂
得所遭矣中祐昔聞其妙近幸權守于此而覩其
真且懼經歷久遠一旦圯剝或墜於地失前古妙
絕之迹迺俾關石糊灰括以堅木鑿廳事右壁而

陷置之覆蓋固護庶永存而無他時五年孟夏廿

一日權郡事李中祐記

右吉日癸巳四字相傳爲周穆王書刻贊皇縣壇

山石上晉衛夫人謂李斯見周穆王書七日興歎

蓋指此也歐陽公集古錄謂慶曆中宋尙書祁在

鎮陽嘗摩此字而趙州守將命工鑿山龕其字州

廨之壁聞者嗟惜趙明誠金石錄謂穆王時所用

皆古文科斗書此字反類小篆而疑其非眞予家

舊藏此刻蓋宋搨本有皇祐五年權郡事李中祐

跋以其罕傳錄之如右李跋謂皇祐四年宋公過
趙尋訪得之縣令劉莊督工鑿石輦致歸我則宋
公之摹字在皇祐而不在慶厯縣令鑿取以歸於
州則龕置州廨者中祐而鑿石非其人也我朝宋
學士景濂嘗摹其字重刻浦陽山房仍自爲跋謂
吉日字與周淮父貞伯碩父鼎齊侯鎛鍾諸款識
合又謂字形多類石鼓明誠已信石鼓爲周人書
不當於此而疑之予觀李跋既得其實惜歐陽公
未之見而學士又考據精當足以祛後人之惑又

按宋吳興施宿謂州廨舊石以政和五年取入內
府皆後人所當知者故并著之

周石鼓文

闕四 而師闕十 庶左闕四 滔滔是熾闕四 不具奪闕五

肝來闕六 具闕四 樂天子闕三 嗣闕六 來闕四

右文十行行七字重文者一其闕五十二字

二

我水既闕一 我道既平我闕一 既止嘉樹則里天子永

字

我道既平我

字

既止嘉樹則里天子永

甯日維丙申闕四 我其用道我馬既陳敕闕一 康康駕

彼闕二 左驂駉駉闕二 遯遯扯闕二 女不闕三 翰羸闕二

字 我公謂天子余及如闕三 害不余及

右文十五行行五字末行四字重文者六共闕二

十一字

三

田車既安鑿音 條勒馭馭闕一 從案此字一作既簡左驂

旃旛右驂驥驥我以隕于原我闕一 戎止射案石本似

射蓋從趙古則讀 宮車其寫秀弓寺射麋豕孔庶麇鹿雉兔其

原有旃其闕一 奔大闕一 出谷亞闕二 畀闕一 執而勿

射多庶趨趨與轅同 君子攸案石本作直乃適字此以今

誤以為樂 迺字耳

右文十行行七字末行六字重文者四共闕七字

四

闕二 鑾車華敕眞眞音填闕 弓孔碩彤矢案石本此

馬其寫六轡驚驚徒馭孔庶廓宜搏搏首車載道戎徒

如章原溼陰陽趕趕同 六馬射之族族闕一字 案如

虎獸鹿如闕二字 案多賢趨禽闕二 我兔允異

四學古齋校本

右文十行行六字末行五字重文者五其闕八字
案石本行七字末行六字
共闕十二字原本疑誤

五

汧也案石本作駸 沔番彼淖淵鰈鯉處之君子闕一字 案石本君子漁

之作一句 中無闕字 漁之滿又鯨其旂趨初干反 帛魚繚繚音洛 其蓋

案此字舊釋為菹有作 底鮮黃白其鯁又鱒音敷 又鯿音綿

其胡孔庶繇之僿丑若反 汪汪音汗 趨趨音甫 其魚維何維

鯁維鯉何以囊之維楊及柳

右文九行行七字末行五字重文者四其闕一字

案諸家本沔滿趨三字竝作重文

六

右文五行行五字闕不成文

七

闕一 猷作原作字 導遄我治闕一字 除帥彼疇音序闕一字

莽為垂讀若里字 微微音迺 畧闕一字 栗柞械其闕一字

字 槃格庸庸鳴闕一字 亞若其華闕一字 為所旂夏闕一字 蓋

導旨樹闕一字 合模本下有孫字非

右文十一行行五字末行二字重文者二其闕十

一字

八

我車既工攻我馬既同我車既好我馬既阜君子員員

獵獵員旂鹿鹿速速君子之求闕二鹵音調弓弓茲以寺

我歐其特其來趨趨同趨音憲夔夔音黃卽我卽時鹿鹿

逢逢其來大有我歐其樸其來遺遺射其豮音蜀案夔

豮音委皆不類此二字舊皆無釋文

右文十一行行六字重文者九其闕二字

九

闕三天靈雨雩流迄闕二渫滋君子闕一字案石本

中無卽涉馬闕一流闕一也泊泊闕九自廓徒驥闕二

維舟以道或陰或陽楫深以闕三于水一方闕四其奔

闕五事

右文十一行行六字共闕三十一字

十

吳人慈亟闕三字案載西載北闕四而闕三用闕六

大祝享闕四執爵逢中囿孔闕一鹿闕五瞳瞳大闕五

求又闕六是闕二

右文十行行八字末行二字共闕三十九字

三代文字之存於今者惟穆王吉日癸巳史籀石鼓文及商周鼎彝款識夫吉日癸巳數字而已商周款識又不多得然嚴正婉潤端姿旁逸鉅利鉤殺則唯石鼓文耳惜其歲久剝落至唐始顯遂至紛紛疑議歐陽文忠謂其書非史籀不能作但疑自宣王至宋千有九百餘年理難得存是不然也夫石刻之易漫者以其摹搨者多故也今石鼓委置草萊泥土之中兀然不動至唐始出以故完美

如初況其石之質頑性堅若爲確磴者哉此不足疑一也鄭漁仲謂是秦篆因其以毆爲也見於秦斤以番爲丞見於秦權其文有曰嗣王有曰天子天子可謂帝亦可謂王秦自惠文稱王始皇稱帝以爲惠文之後始皇之前所作也余按易書經文無也字則知古轉用毆番字正當從山取奉番高意六月宣王之詩也曰王于出征以佐天子吉日宣王田獵之詩也曰天子之所曰以燕天子祈父刺宣王之詩也曰予王之爪牙此不足疑二也溫

彥威使三京以爲後周文帝獵於岐陽所作蓋因
史大統十一年西狩岐陽之語而云也尤爲謬妄
夫自秦漢晉宋隋唐以來苟能書者如斯冰瑗豈
諸人皆名後世豈後周時有能書若此而不名乎
況其詩詞嚴古尤非當時之人所能及者且蘇勗
韋韓諸公去後周末遠不應謬稱如是此不足疑
三也故余斷然以爲宣王田狩之詩而史籀之書
也蓋宣王田狩岐陽之時從臣贊美刻詞出於一
時若車攻吉日則田獵東都時所作者其詞多與

石鼓同如我車旣攻我馬旣同修備之詞一也鹿
麋麋鹿速速麋鹿趨趨獸多之詞同也車攻
曰四牡龐龐四牡奕奕吉日亦曰四牡孔阜蓋卽
石鼓赳赳六馬四馬其寫之謂也他如駕言徂東
駕言行狩卽我其用道之謂也曰建旄設旒悠悠
旆旌卽其旂員旂之謂也曰會同有繹卽來樂天
子之謂也曰兩驂不猗不失其馳卽左驂旛旛右
驂驪驪之謂也曰允矣君子展也大成以燕天子
卽君子乃樂天子永甯之謂也曰吉日維戊吉日

庚午卽曰維丙申之謂也曰田車旣好卽田車旣安我車旣好之謂也曰從其羣醜瞻彼中原其祁孔有卽我以濟于原我戎止射其來大有其來遭遭之謂也曰儻儻俟俟卽甕甕黃黃之謂也曰殫此大兕卽我馭其特之謂也又況石鼓漫滅者多其詞繁而不殺不若車攻吉日二詩嚴肅簡潔足該十篇之意故偶見刪削古詩三千餘篇而夫子定爲三百篇者此類是也若以不見收錄而遽疑之則論語所引素以爲絢兮偏其反而之句皆逸

詩也豈可以是而盡疑論語乎前人音辨類有得失或前後之相遠或多寡之不同歐陽集古所錄可見者四百六十五字胡世將資古所錄可見者四百七十四字吾衍氏視資古又加三字予嘗得宋搨本雖不能如集古資古吾氏所載然較之今世所有者極爲精好因裝潢成軸每鼓後以釋文譜之其闕文則一依吾氏及潘氏云時洪武乙丑夏五月朔趙古則書

右石鼓文宋代搨本洪武中藏於餘姚儒者趙

古則後歸予家石鼓昔人論之詳矣趙氏跋謂溫
彥威使三秦以石鼓爲後周文帝獵於岐陽所作
而斷其繆妄予按姚氏殘語云彥威使三秦此得
之僞劉訶臣馬定國然亦非也金元好問編中州
詩定國小傳云仕金翰林學士考石鼓字畫定爲
宇文周時所造作文辨之萬有餘言元天台劉仁
本爲石鼓論本之定國而斷其非史籀之書二子
謬妄固不俟言跋復謂蘇勛章韓諸公去後周未
遠不應繆稱如是而以其言爲可信予觀應物退

之其去後周似爲遼闊勛貞觀時仕吏部侍郎視
後周則誠未遠又按李嗣真書後品張懷瓘書斷
亦皆以石鼓爲史籀書嗣真高宗時人而懷瓘老
於開元則稱石鼓爲籀書者始於蘇氏繼於李張
而退之直據之耳古則字搗謙宋宗室之後讀書
博古尤精字學所著有六書本義聲音文字通二
書嘗仕廣東瑤山教諭卒於官

鄭夾漈謂石鼓至唐始出於岐陽鄭餘慶取置鳳
翔孔廟而亡其一皇祐四年向傳師求於民間得

之十鼓遂足王順伯謂五代之亂鼓復散失司馬池復輦致府學其一鼓已亡向傳師搜訪足之二說皆同予近見傳師跋謂數內第十鼓較之文亦不類訪於閩里果獲一鼓字雖半缺驗之書體真得其跡遂易而置之其數方備乃知第十鼓其先蓋嘗有僞爲者至傳師而真鼓始復此皆王鄭之所未及豈其未嘗見向跋邪鄭復謂大觀中鼓置之辟雍復取入保和殿經靖康之變未知其遷徙與否王則謂大觀中鼓歸京師詔以金填其文靖

康之末保和珍異北去或傳濟河遇風棄之中流而存亡未知後王子充題此謂金人入汴剔取其金而棄去之至元乃輦致京師置于國學廟門之下予按胡世將資古錄云崇甯中蔡京作辟雍取十鼓置講堂後辟雍廢徙置禁中則置之辟雍者蔡氏而所謂禁中卽保和殿也若王鄭之未知其遷徙存亡蓋當是時北方非中國所有而二公又皆南人故云然也及觀之虞伯生云金人得汴梁鼓亦北徙畱王宣撫宅宅後爲大興府學伯生助

教成均言於時宰得置之國學大成門內則淪入
濟河與夫金人棄之之說皆不足信不知二王何
從而得此也鼓今在北京國子監卽元之舊地予
官禮部時嘗命工搨之字多漫滅較之宋本僅十
之二三而已

金薤琳琅卷一

金薤琳琅卷二

太僕少卿吳郡都穆

秦嶧山刻石

秦泰山刻石

秦會稽刻石

秦之罘刻石

秦琅邪臺刻石

秦詛楚文

秦嶧山刻石

皇帝立國維初在昔嗣世稱王討伐亂逆威動四極武
義直方戎臣奉詔經時不久滅六暴強廿有六年上薦
高號孝道顯明既獻泰成乃降專惠親軫巡遠方登于
嶧山羣臣從者咸思攸長追念亂世分土建邦以開爭
理功戰日作流血於野自秦古始世無萬數陀及五帝
莫能禁止迺今皇帝壹家天下兵不復起燭害滅除黔
首康定利澤長久羣臣誦略刻此樂石以著經紀皇帝
曰金石刻盡始皇帝所爲也今襲號而金石刻辭不稱
始皇帝其於久遠也如後嗣爲之者不稱成功盛德丞

相臣斯臣去疾御史大夫臣德昧死言臣請具刻詔書

金石刻因明白矣臣昧死請制曰可

秦相李斯書嶧山碑跡妙時古殊爲世重故散騎

常侍徐公鉉酷耽玉箸垂五十年時無其比晚節

獲嶧山碑摸本師其筆力自謂得思於天人之際

因是廣求已之舊跡焚擲略盡文寶受學徐門粗

堅企及之志太平興國五年春再舉進士不中東

適齊魯客鄒邑登嶧山求訪秦碑邈然無覩逮於

旬浹悵悵於榛蕪之下惜其神蹤將墜於世今以

徐所授摸本刊石于長安故都國子學庶博雅君子見先儒之指歸淳化四年八月十五日承奉郎守太常博士陝府西諸州水陸計度轉運副使賜緋魚袋鄭文寶記

右秦嶧山刻石宋淳化中太常博士鄭文寶以徐鉉摸本刻之長安者唐封演謂此碑歷代摸搨邑人疲於供命聚薪焚之邑令取舊文刻置縣廨則嶧山前此嘗有是刻蓋至唐而始焚歐陽公以嶧山無此而疑其非真非也宋董彥遠書跋謂其文

考於史記多不合而疑傳者之誤今史記實無此文則傳者未必誤特董氏之自誤耳自文寶刻徐氏本其後翻本頗多世之評者謂長安第一紹興第二浦江第三應天府學第四青社第五蜀中第六鄒縣第七又予聞之先師李文正公言嘗見祕閣舊本才二十五字今所傳徐本乃其全文而字復加大何哉

此碑自皇帝曰以下乃二世詔文在始皇刻石之旁予見泰山碑如此鄭文寶不見秦刻其所刻乃

徐氏摹本故牽聯誤書然此碑非文寶之傳則後世不復再見文寶可謂有功於字學者而宋史列傳不言其能書殆以政事而揜之耳

秦泰山刻石

皇帝臨立

位

作制民

闕五

廿

闕一

六

闕二

并

闕三

字

輒遠黎登茲

闕一

山

闕四

從臣思迹本原

闕五

德

闕一

字

道

闕一

行諸產得宜

闕四

右文五行行十二字存者三十字闕三十字在石

之西面

大義著明睡于後世

闕四

皇帝躬聽既平天下

闕五

興

夜寐建設長

闕五

右文三行行十二字存者二十二字闕十四字在

石之北面

字

經宣達遠近畢理

闕四

貴賤分明男女體順慎

闕三

字

昭隔內外靡不清

闕五

化

闕一

無窮

闕一

奉遺詔

闕四

字

皇帝曰金石刻盡始皇帝

闕七

金石

右文六行行十二字存者四十一字闕二十六字

在石之東面

刻辭不稱始皇帝其於久遠

闕一如

闕二爲之者不稱

成功

闕二字

丞相臣斯臣去疾御史大夫臣

闕一字

昧死言

臣請具刻詔書金石刻因明白矣臣昧死請

右文七行行十二字存者五十一字闕六字在石之南面

右秦泰山刻石歐陽公謂其友江鄰幾嘗至泰山視秦刻石所存僅數十字而其本乃鄰幾所遺趙明誠謂宋眞宗東封兗州守摹本以獻凡四十餘

字後宋莒公刻之於石其說與歐陽公合明誠復謂大觀閒汝陽劉跂親至泰山絕頂見碑四面有字乃摹其文刻石自爲後序謂之泰山秦篆譜明誠復以史記與譜較之不同者凡十數字謂足以正史氏之失予家舊藏此刻僅五十一字乃二世詔卽歐陽公所謂江鄰幾本趙氏所謂兗州及宋莒公墓本是也近得劉譜視前加九十三字後序謂篆石埋植土中崇四五尺五十一字在南面稍平故嘗爲人摹搨其三面皆殘闕蔽闇跂刮摩垢

金華瑣瑣卷二
蝕而字始出蓋刻文起西面而北而東而南其二
十二行其末行制曰可三字復轉刻西南稜上由
是篆文首尾幾於復完而俾之傳世此則跋之功
也董氏書跋謂二世詔書宜在石陰而今在其南
始皇之詔乃在北西東三面蓋碑石嘗仆後之人
以一面稍完故樹之南向董又謂石崇九尺面方
二尺餘而跋云石之崇五尺更俟登山訪之

歐陽文忠宋莒公皆不知嶧山碑四面有字蓋在
劉譜未出之前元吾衍子行號稱博洽其學古編

云石皆剝落惟二世詔一面稍見豈亦未嘗見劉
譜耶

秦會稽刻石

皇帝依烈平壹宇內德惠攸長卅有七年親輶天下周
覽遠方遂登會稽宣省習俗黔首齊莊羣臣誦功本原
事迹追道高明秦聖臨國始定刑名顯陳舊章初平法
式審別職任以立恆常六王專倍貪戾傲猛率衆自疆
暴虐恣行負力而驕數動甲兵陰通閒使以事合從行
爲辟方內飾詐謀外來侵邊遂起禍殃義威誅之殄熄

暴悖亂賊滅亡聖德廣密六合之中被澤無彊皇帝并
宇兼聽萬事遠近畢清運理羣物考驗事實各載其名
貴賤並通善否陳前靡有隱情飾省宣義有子而嫁倍
死不貞防隔內外禁止淫佚男女絜誠夫爲寄殺殺之
無辜男秉義程妻爲逃嫁子不得母成化廉清大治濯
俗天下承風蒙被休經皆遵軌度和安敦勉莫不順令
黔首修絜人樂同則嘉保泰平後敬奉法常治無極輿
舟不傾從臣誦烈請刻此石光陞休銘

李斯書嶧山頌淳化閒守太常博士鄭文寶以徐

鉉所授本刻於長安國學泰山頌至元閒行臺侍
御史李處巽獲劉跂所摹本刊於建鄴郡庠由是
其迹僅存而所傳浸廣予攷諸記載始皇及二世
抵越取浙江岑石刻頌於山亦斯筆也磨滅久矣
好古博雅者蓋願見而不可得予乃以家藏舊本
摹勒置於會稽蠻舍庶與嶧秦等文並貽於後但
史記攸長作修長卅字作三十追道作追首又作
追守案本紀追守句注云石刻首作道
可見守當作首刻板譌爲守耳軌度作度
軌今則俱依石刻至正元年辛巳歲夏五月望日

承德郎紹興路總管府推官東平申屠駟識

右秦會稽刻石按史記始皇三十七年上會稽祭大禹望於南海立石刻頌秦德後其石人稱秦望山碑山在會稽縣東南四十里宋書載竟陵王子良尅日登秦望山主簿范雲以山上有始皇石刻人多不識乃夜取史記讀之明日登山雲讀如流子良大悅以爲上賓則晉宋以來石固無恙歐陽公趙明誠皆好集古文不應此獨見遺鄭夾漈通志金石略雖嘗載之而云疑在越州亦無眞見此

皆予之所未曉者元至正初東平申屠子迪爲紹興路推官以家藏舊刻刻于路學卽今之所傳是也然不知其先何從得之予觀其字畫與嶧山碑絕類豈亦出徐鼎臣鄭文寶之所摹而申屠氏嘗藏之歟

申屠氏跋謂石刻與史所載不同者數字今按史云有子不嫁石刻作而嫁史云殺之無罪石刻作無辜史云和安敦誠石刻作敦勉則又跋中之所未及漫識之

秦之罘刻石

右秦之罘山刻石所存僅二十字蓋二世詔也歐陽公謂其刻與泰山嶧山文同而字畫皆異而惟以泰山爲真吾子行譏周秦石刻音釋亦謂其與琅邪石文皆不類秦刻而不收錄及考之董氏書跋謂嶧山刻字與泰山似異疑古人于書形類不一則此又有不當疑者予又安能定是非于其間哉

此刻汝州帖亦嘗載之然字僅十五予家所藏視

汝帖多御史大夫臣五字蓋宋莒公賜書堂本也

秦琅邪臺刻石

右秦琅邪臺刻石按史記始皇二十八年東行登琅邪樂之畱三月作琅邪臺立石頌德趙明誠謂其頌詩已亡所存惟從臣姓名及二世詔書然亦殘闕又謂熙甯中密州守嘗摸搨刻之於石予家所藏乃宋莒公刻本僅十有七字皆頌詩中語與密本不同俟博識者辨之

秦詛楚文

久湫 久讀作故

又通作秦嗣王馭籀文用吉玉宣通作璧使其宗祝邵

暮布愍告于不顯大沈久湫以底楚王熊相之多臯昔

我先君馯穆公及楚成王是寔繆讀作力同心兩邦

磐古若一糾以散陬疹以齊盟曰葉案葉本作葉乃世

誤以為葉字萬子孫毋相為不利救古文印古文仰字

顯二字原不顯大沈久湫而質焉今楚王熊相康讀作

回無道淫失讀作甚讀作亂宣古侈竟從蹤變輸

渝讀作盟刺內之刪籀文虺虐不姑巫咸亞駝刑戮孕敵

婦幽刺救古威拘圍其叔父寅者讀作冥室櫝棺之

中外之刪冒改久心不裛皇天上帝及大沈久湫之光

剝烈威神而兼倍十八世之詛盟率者侯之兵呂臨

加我欲剗伐我社稷伐威我百牧姓求蔑灋皇天上

帝及大沈久湫之卹祠圭玉羲犧牲速一作取我邊

城新鄩音及音長救循不畧曰可今又悉興其衆張

矜忝音府巫咸本作怒飾甲底兵奮士盛師呂偃循邊

競讀作將欲復其貺音蹟唯是秦邦之羸衆傲讀輻讀

鞞音輸音棧輿禮使介老將去之音自救也巫咸亞駝亦

十學古齋校本

應尊古受字皇天上帝及不顯大沈久湫之幾靈德賜育

古克劑巫咸本作初古制字楚師且復略我邊城馘數上聲楚王熊

相之伍盟犯詛箸著者諸石章曰盟大神之威神

巫咸 文與久湫同

亞駝 亞駝讀作呼沱文與巫咸同

右秦詛楚文凡三曰久湫曰巫咸曰亞駝其石皆

出宋世說者謂初得巫咸文於鳳翔次得久湫文

於渭案廣川書跋謂初得大沈久湫文於邽又得巫咸文於渭與此互異邽即岐字乃鳳翔也

又次得亞駝文於洛其詞則一惟告於神者隨號

而異自石文之出黃魯直張芸叟皆有訓釋歐陽

公董彥遠王順伯皆有論辨歐陽公謂以史記世

家考之自楚成王十八世為頃襄王名橫不名熊

相而疑傳寫之誤董氏謂秦之詛楚為頃襄也其

見亦同順伯云秦自穆公十八世至惠文王與楚


懷王同時從橫爭伯此詛為懷王也或以楚自成

王十八世至頃襄王秦人之文不應數楚之世況


頃襄立是時楚已微弱非秦所畏不應有詛葉少

蘊生先順伯亦云熊相疑即懷王二說似為有見

董氏又云其詞若出一時不知一日會盟安得親
質三所宋章樵云盟石告神當於其地巫神在解
州鹽池告文不應遠在古雍董氏復謂疑其宗祝
分致以告神順伯謂當時告神想不止是見於世
者惟此而已此或得之予特疑其自秦至宋千有
餘年嘗沈之於水瘞之於地其字畫纖細理難完
好唐人編古文苑雖嘗載其辭而自宋以前薦紳
君子曾無一言及之董氏謂歲久石漸剝闕因據
舊本得其完書不知所謂舊本果出何時元吾子
行博古士也以先秦古器比較此篆絕不相類以
爲後人僞作但宋世諸公愛其筆跡無有異論予
固不得而定之也



金薤琳琅卷二



金薤琳琅卷二

太僕少卿吳郡都穆

漢魯相置孔子廟卒史碑

漢魯相晨孔子廟碑

漢魯相晨孔子廟後碑

漢魯相造孔廟禮器碑

漢泰山都尉孔宙碑

漢魯相置孔子廟卒史碑

司徒臣雄司空臣戒稽首言魯前相瑛書言詔書崇聖

道勉闕一藝孔子作春秋制孝經闕二五經演易繫辭

經緯天地幽讚神明故特立廟褒成侯四時來祠事已

即去廟有禮器無常人掌領請置百石卒史一人典主

守廟春秋饗禮財出王家錢給大酒直須報謹問太常

祠曹掾馮牟史郭元辭對故事辟雍禮未行祠先聖師

侍祠者孔子子孫大宰大祝令各一人皆備爵大常丞

監祠河南尹給牛羊豕雞闕一各一大司農給米祠臣

愚以為如瑛言孔子大聖則象乾以闕二為漢制作先世

所尊祠用衆牲長吏備闕二欲加寵子孫敬恭明祀傳

子罔極可許臣請魯相為孔子廟置百石卒史一人掌

領禮器出王家錢給大酒直他如故事臣雄臣戒愚慙

誠惶誠恐頓首頓首死罪死罪臣稽首以聞

制曰可按碑此行及次行下有題名二人原本失載今依隸釋補錄

元嘉三年三月廿七日壬寅奏雒陽宮

司徒公河南原武吳闕字季高

司空公蜀郡成都趙戒字意伯

元嘉三年三月丙子朔廿七日壬寅司徒雄司空戒下

魯相承書從事下當用者選其年卅以上經通一藝雜

試通利能奉宏先聖之禮爲宗所歸者如詔書書到言
永興元年六月甲辰朔十八日辛酉魯相平行長史事
卞守長擅叩頭死罪敢言之

司徒司空府壬寅詔書爲孔子廟置百石卒史一人掌
主禮器選年卅以上經通一藝雜試能奉宏先聖之禮
爲宗所歸者平叩頭叩頭死罪死罪謹案文書守文學
掾魯孔龢師孔憲戶曹史孔覽等雜試龢修春秋嚴氏
經通高第事親至孝能奉先聖之禮爲宗所歸除龢補
名狀如牒平惶恐叩頭死罪死罪上

司空府

讚曰魏魏大聖赫赫彌章相乙瑛字少卿平原高唐人

合鮑疊字文公上黨屯留人政教稽古若重規闕一乙字

君察舉守宅除吏孔子十九世孫麟廉請置百石卒史

一人鮑君造作百石吏舍功垂无窮於是始下闕

右漢魯相置孔子廟卒史碑今在曲阜蓋魯相乙

瑛上書請置百石卒史一人典主守廟司徒吳雄

司空趙戒以聞制從之蓋在元嘉三年三月後魯

相平補以孔和上書于司空府則永興元年六月

也攷之范史桓帝紀元嘉惟有二年碑云元嘉三年三月者蓋是年五月始改永興至十月而雄戒亦罷免矣

此碑殘闕據宋洪丞相隸釋錄其全文蓋漢文高古難得將以供學士大夫之嗜好而不特此碑然也凡予之錄漢刻其殘闕者皆以洪本足之

漢魯相晨孔子廟碑

建寧二年三月癸卯朔七日己酉魯相臣晨長史臣謙頓首死罪上

尙書臣晨頓首頓首死罪死罪臣蒙厚恩受任苻守得在奎婁周孔舊寓不能闡宏德政恢崇壹變夙夜憂怖累息屏營臣晨頓首頓首死罪死罪臣以建寧元年到官行秋饗飲酒辟宮畢復禮孔子宅拜謁神座仰瞻棖桷俯視几筵靈所馮依肅肅猶存而無公出酒脯之祠臣卽自以奉錢脩土案食醜具以叙小節不敢空謁臣伏念孔子乾也所挺西狩獲麟爲漢制作故孝經援神契曰元聖制命帝卯行又尙書考靈耀曰某生倉際觸期稽度爲赤制故作春秋以明文命綴紀撰書脩定禮

義臣以爲素王稽古德亞皇代雖有衰成世享之封四
時來祭畢卽歸國臣伏見臨璧雍日祠孔子以太牢長
史備爵所以尊先師重教化也夫封土爲社立稷而祀
皆爲百姓興利除害以祈豐穰月令祀百辟卿士有益
於民矧乃孔子元德煥炳光於上下而本國舊居復禮
之日闕而不祀誠

朝廷聖恩所宜特加臣寢息耿耿情所思惟臣輒依社
稷出王家穀春秋行禮以其禮祀餘闕一字賜先生執事
臣晨頓首頓首死罪死罪臣盡力思惟庶政報稱爲效

增異輒上臣晨誠惶誠恐頓首頓首死罪死罪上

尚書時副言大傅大尉司徒司空大司農府治

所部從事案時副言以下二十字碑有此一行在尚書下空三字原本失載今依隸釋補錄

昔在仲尼汗字光之精大帝所挺顏母毓靈承敝遭衰

黑不代倉闕一字沐應聘歎鳳不臻自衛反魯養徒三千

獲麟趣作端門見徵血書著紀黃玉諱響字應主爲漢制

道審可行乃作春秋復演孝經刪定六藝象與天談鈎

河撻雒卻揆未然魏魏蕩蕩與乾比崇

右漢魯相晨孔子廟碑靈帝建甯二年立晨姓氏

見於後碑此乃其所上尙書奏章蓋當時之制郡國不敢直聞朝廷因尙書以達之也碑云到官秋享無公出酒脯之祠自用俸錢以供禮祀知其爲魯之賢相也

魯相晨孔廟後碑

相河南史君諱晨字伯時從越騎校尉拜建甯元年四

月十一日戊子到官乃以今日拜闕一字孔子望見闕觀

式路虔踞既至升堂屏氣拜手祇肅屑優髣髴若在依

依舊宅神之所安春秋復禮稽度元靈而無公出享獻

闕一字案碑作薦 欽因春饗導物嘉會述脩壁雍社稷品制

卽上尙書參以符驗乃敢承祀餘胙賦賜刊石勒銘并

列本奏大漢延期彌歷億萬

時長史慮江舒李謙敬讓五官掾魯孔暢功曹史孔淮

戶曹掾薛東門榮史文陽馬琮守廟百石孔讚副掾孔

綱故尙書孔立元世河東太守孔雋元上處士孔褒文

禮皆會廟堂國縣員充案此充字當从山吏無大小空

府竭寺咸俾來觀并畔宮文學先生執事諸弟子合九

百七人雅歌吹笙考之六律八音克諧蕩邪反正奉爵

稱壽相樂終日於穆肅雍上下蒙福長享利貞與天無

極

史君饗後部史仇誦縣吏劉耽等補完里中道之周左

墻垣壞決作屋塗色脩通大溝西流里外南注城池悉

縣吏斂民侵擾百姓自以城池道濡麥給領還所斂民

錢材

史君念孔瀆顏母井去市道遠百姓酤買不能得香酒

美肉於昌平亭下立會市因彼左右咸所願樂

又勅瀆井復民飭治桐車馬於瀆上東行道表南北各

種一行梓

假夫子冢顏母井舍及魯公冢守吏凡四人月與佐除

右史晨孔廟後碑載當時廟享觀禮者自長史李

謙五官掾孔暢而下凡九百七人可謂盛矣廟享

之後晨復脩瀆泔井及置守墓之人蓋不但如前

碑所云出俸錢以供祀事其有功於孔氏甚大而

部史仇誦縣吏劉耽亦復補垣除道至通大溝則

晨固有以啓之也吁晨誠賢矣哉

漢魯相造孔廟禮器碑

惟永壽二年青龍在涪歎霜月之靈皇極之日魯相河
南京韓君追惟太古華胥生皇雄顏闕一字育闕一字寶俱

制元道百王不改孔子近聖為漢定道自天王以下至

于初學莫不驥思歎叩師鏡顏氏聖舅家居魯親里元

官聖妃在安樂里聖族之親禮所宜異復顏氏元官氏

邑中闕一字案碑作繇發以尊孔心念聖歷世禮樂陵遲秦項

作亂不尊圖書倍道畔德離敗聖輿食糧亡于沙邱君

於是造立禮器樂之音苻鍾磬瑟鼓雷洗觴觚爵鹿祖

桓邊枳禁壺脩飾宅廟更作二輿朝車威熹宣杼元汗

以注水泳法舊不煩備而不奢上合紫臺稽之中和下

合聖制事得禮儀於是四方土土立聞君風耀敬咏其

德尊琦大人之意遠邇之思乃其立表石紀傳億載其

文曰

皇闕一字案碑作戲統華胥承天畫卦顏育空桑孔制元孝俱

祖紫宮大一所授前闔九頭以什言教後制百王獲麟

來吐制不空作承天之語乾元以來三九之載八皇三

代至孔乃備聖人不世期五百載三陽吐圖二陰出讖

制作之義以俟知闕一字案碑作奧於穆韓君獨見天意復聖

二族連越絕思修造禮樂胡輦器用存古舊宇愍懃宅

廟朝車威熹出誠造闕一涑不水解工不事賈深除元

汙水通闕字注禮器升堂天雨降澍百姓訴和舉國蒙

慶神靈祐誠竭敬之報天與厥福永享牟壽上極華紫

菊伎皇代刊石表銘與乾運燿長期蕩蕩於盛復授赫

赫罔窮聲垂億載

韓明府名勅字叔節潁川長社王元君真二百河東大

陽西門儉元節二百故涿郡太守魯庶次公五千故會

稽太守魯傳世起千故樂安相魯庶季公千故從事魯

張嵩眇高五百相主簿魯薛陶元方三百相史魯周乾

伯德三百伯德三百

右漢魯相韓勅造孔廟禮器碑說者謂其文雜用

識緯不可盡通予觀東漢自光武以赤伏符卽位

篤好圖讖臣下則而效之流弊浸廣至漢之末而

其說尤熾見之金石者不特此碑然也帝堯碑云

堯遊于元河之上有龍授圖堯乃受命成陽靈臺

碑云堯母慶都遊觀河濱感赤龍交而生堯魯相

史晨孔廟碑云孔子乾坤所挺西狩獲麟為漢制

作皆怪誕恍惚不經之甚後之君子以為漢儒之
陋狹如此而不知其所從來孔子曰上有好者下
必有甚焉者矣以光武之明智而慮不及此嗚呼
於漢儒乎何尤

韓勅碑陰

故涿郡太守魯庶次公五千故從事魯張嵩眇高五百

頰川長社王元真二百故會稽太守魯傳世闕一千相

主簿魯薛陶元万三百河東大陽西門儉元節二百故

樂安相魯庶季闕一千闕一相史魯周乾伯德三百案

上八人即前碑所載末
三行題名此係重錄 曲成侯王嵩二百遼西陽樂張

普仲堅二百頰川長社王季孟三百故督邳魯趙輝彥

臺二百河南成臯蘇漢明二百其人處士汝南宋公國

陳漢方二百郎中魯孔宙季將千河南雒陽种亮奉高

五百故山陽南平陽陳漢甫二百御史魯孔翊元世千

故衮州從事任城呂育季華二千任城番君舉二百大

尉掾魯孔凱仲弟千故下邳令東平陸王褒文博千任

城王子松二百魯孔曜仲雅二百魯孔儀甫闕一百故

穎陽令文陽鮑宮元威千任城謝伯威二百處士魯孔

方廣率于河南雒陽李申伯百任城高伯世二百魯孔

巡伯男二百文陽蔣元道二百趙國邯鄲宋鎮元世二

百相主簿薛曹闕一字 案碑作訪濟興三百魯孔憲闕一字 案碑作仲

則闕一字 案碑作百文陽闕二字 案碑作王逸文豫二百彭城廣闕一字

案碑作威姜尋子長二百相中賊史薛虞詔興公二百尙書

侍郎魯孔憲元上三千平原樂陵朱恭敬公二百薛闕

字 案碑作弓奉高闕二字 案碑作汎魯孔闕一字 案碑作汎漢光二百南

陽宛張光仲孝二百平原隰陰馬瑤元冀二百相史卞

呂松闕一字遠百守廟百石魯孔恢聖文千彭城龔治世

平二百騶韋仲卿二百襄成侯魯孔建壽千河南雒陽

王敬子慎二百泰山鮑丹漢公二百處士魯劉靜子著

千故從事魯孔樹君德千京兆劉安初二百故薛合河

內溫朱熊伯珍五百故從事魯王陵少初二百魯孔朝

升高二百魯石子重二百下邳周宣光二百故豫州從

事蕃加進子高千故督却魯开輝景高二百行義掾魯

弓如叔都二百河閒東州齊伯宣二百魯曹慳初孫二

百魯劉仲俊二百北海劇袁隆展世百陳國苦虞崇伯

宗二百魯闕一字 案碑作劉元達二百魯夏侯廬頭二百魯周

房伯臺百東海傅河東臨汾敬謙字季松千闕一尉闕五

安季興五百相守史薛王芳伯道二百魯孔建壽二

百時令漢中南鄭趙軍學子闕一司徒掾魯巢壽文闕一

三百相行義史文陽公闕一輝世平百故丞魏令河

南京丁璿叔舉五百河南偃師度闕一漢賢闕二魯傅

闕一字子掾二百任城亢父治真百左尉北海劇趙

福字仁直五百南陽平氏闕四二百魯闕二字案三

百魯孔昭叔祖百元廬城子二百山陽瑕邱九百元臺

三百魯徐伯賢二百河東臨汾敬闕一子直千泰山鎮

平韋仲元二百闕二字案狼子二百齊國廣張建平

二百其闕一字處士魯劉聖長二百河南雒陽左叔

虞二百泰山費淳于鄰季遺二百上黨長子楊萬子三

百河南偃師肯闕一字通國二百東郡武陽董元序

二百故闕二字案侯相彭城劉闕一伯存五百處士

魯孔徵子闕一字案碑作舉二百河南平陰樊文高二百東郡

武陽桓仲豫二百闕一字案此一人原本誤故平陵令魯庶恢

元世五百闕一字案此一人原本誤列亢父治真下

右韓勅碑陰隸釋所載凡六十有二人較予家舊

搨本闕三十有八人隸釋始曲成侯王壽終洛陽
王敬子家本則始涿郡太守魯庶次公終河南樊
文高又有大不同者豈隸釋得之傳錄故有此誤
要當以搨本為是抑此及史晨後碑歐陽公最號
博古皆未之見唯趙氏金石錄有之

案韓勅碑四面俱有題名前碑已附八人于末隸
釋所載六十二人與碑陰合但失錄兩側三十四
人而已南濠既重列入人於前并增錄兩側于後
起止懸殊遂疑隸釋始曲成侯王壽終洛陽王敬
為傳錄之誤其實非也論碑固當以搨本為是然
或經剪貼其中參錯所不能無此書彙題名為一
碑而間或失次豈即據剪貼本錄之乎全
碑至今尚存依次考證足訂南濠之誤

漢泰山都尉孔宙碑

有漢泰山都尉孔君之銘

案碑題一行原本不
載今依隸釋補錄

君諱宙字季將孔子十九世之孫也天姿醇嘏齊聖達

道少習家訓治嚴氏春秋緝熙之業既就而闡闕之行

允恭德音孔昭遂舉孝廉除郎中都昌長祗傳五教尊

賢養老躬忠恕以及人兼禹湯之臯已故能興朴

闕二字

彫幣濟宏功於易簡三載考績遷元城令是時東嶽黔

首猶夏不

闕三字

祠兵遺畔未寧乃擢君典戎以文脩之

旬月之間莫不解甲服罪

闕三字

樛田峻喜于荒圃商旅

交乎險路會鹿鳴於樂崩復長劣于酬酢闕三字稔會遭

篤病告困致休得從所好年六十一延熹六年正月乙

未闕三字疾冀速朽之反真慕嗇儉之遺則窀夕不華明

器不設凡百邛高闕三字述於是故吏門人乃共陟名山

采嘉石勒銘示後俾有彝式其辭曰

於顯我君懿德惟光紹聖作儒身立名彰貞登王室闔

闕一字是虔夙夜闕二字在公朝明乃綬二縣黎儀以康於

无時靡撫茲岱方闕一字彼凶人覆俾闕二字南畝孔饁山

有夷行豐年多黍稱彼兕觥帝賴其勳民斯是皇疾闕三字

字乃委其榮忠告慤勤屢省乃聽恭儉自終簞簋不陳

生播高譽歿垂令名永矢不刊億載揚聲

延熹七年十月戊戌闕一字造

右漢泰山都尉孔宙碑宙孔子十九世孫而融之

父也其事實不見史傳然碑稱其齊聖達道德音

孔昭又稱其治泰山旬月之間民皆解甲服罪可

謂無愧聖人之後者碑在曲阜延熹七年立通志

金石略嘗載其目云未詳所在復載泰山太守孔

宙碑云在兗州立於延熹六年是漢有兩孔宙而

碑復有二何其繆哉

門生故吏名

門生鉅鹿癭陶張雲字子平門生鉅鹿癭陶趙政字元
正門生鉅鹿廣宗捕巡字升臺門生東平鄆陽韋勳字
劣昌門生魏郡館陶張上字仲舉門生魏郡館陶王時
字子表門生魏郡陰安張典字少高門生魏郡魏孟忠
字待政門生魏郡魏李鎮字世君門生魏郡館陶吳讓
字子敬門生魏郡館陶文儉字元節門生魏郡館陶鄉
瑱字仲睢門生魏郡鄴暴香字伯子門生東郡東武陽

梁淑字元祖門生東郡衛公國趙恭字和平門生東郡
東武陽張表字公方門生東郡東武陽滕穆字奉德門
生東郡樂平桑演字仲厚門生東郡樂平靳京字君賢
門生東郡樂平梁布字叔光門生東郡樂平桑顯字伯
異門生陳畱平邱司馬規字伯昌門生安平下博張祺
字對松門生安平下博張朝字公房門生安平下博蘇
觀字伯臺門生安平堂陽張琦字子異門生北海安邱
齊納字榮謀門生北海都昌呂升字山甫門生北海劇
秦麟字伯麟門生北海劇如廬浮字遺伯門生北海劇

薛覲字勝甫門生北海劇高冰字季超門生濟南梁鄒
 趙震字剡政門生濟南梁鄒徐璜字秀文門生濟南東
 平陵吳進字升臺門生甘陵廣川李都字元章門生甘
 陵貝邱賀曜字升進門生魏郡清淵許祺字升明門生
 魏郡館陶史崇字少賢門生魏郡館陶孫忠字府文門
 生東郡樂平盧精字子節門生任城任闕三字景漢門
 童安平下博張忠字公直故吏北海都昌逢祈字伯熹
 故吏北海都昌殪章字文理故吏北海都昌魏稱字文
 長故吏北海都昌呂規字元規故吏泰山費魚淵字漢

長故吏泰山華母樓覲字世光故吏泰山南城禹規字
 世舉故吏泰山南武陽蕭誨字伯謀故民泰山費適子
 黨字季闕一弟子北海劇陸暹字孟輔弟子陳留襄邑
 樂禹字宣舉弟子下邳下邳朱班字宣闕一弟子東平
 蓋陽周順字承闕一弟子沛國小沛周升字仲甫弟子
 魯國文陽陳褒字聖博弟子汝南平輿謝洋字子讓弟
 子山陽瑕邱丁瑤字實堅弟子魯國戴璋字元珪弟子
 魯國卞王政字漢方

右孔宙碑陰不云碑陰而云門生故吏名此漢碑

中之僅見者前碑云故吏門人陟山采石勒銘示
後則此所載皆其人也今按宙門生四十二人門
童一人弟子十人故吏八人故民一人隸釋謂漢
儒開門授徒親受業者則曰弟子次相傳授則曰
門生未冠則曰門童總而稱之亦曰門生舊所治
官府其掾屬則曰故吏占籍者則曰故民非吏非
民則曰處士素非所莅則曰義士義民此皆讀漢
碑者之所當知而隸釋人間少傳故著之

金薤琳琅卷三

金薤琳琅卷四

太僕少卿吳郡都 穆

漢博陵太守孔雋碑

并陰

漢司隸校尉魯峻碑

并陰

漢北海相景君碑

并陰

漢敦煌長史武斑碑

漢博陵太守孔雋碑

君諱雋字元上孔子十九世之孫潁川君之元子也君
少履天姿自然之匹帥禮不爽好惡不愆考衷度衷脩

身踐言龍德而學不至於穀浮游塵埃之外瞻焉汜而不俗郡將嘉其所履前後聘召蓋不得已乃翻爾束帶宏論窮理直道事人仁必有勇可以託六授命如毛諾則不宿美之至也莫不歸服舉孝廉除郎中博昌長疾病留宿闕一遷闕一京府丞未出京師遭大君憂泣踰臯魚喪過乎哀謹畏舊章服竟還署試拜尚書侍郎無偏無黨遵王之素夔可黜否出闕二度日恪位任所在祇肅拜治書御史膺臯陶之闕一案碑闕二參之闕五律祇用既平闕一博陵太守郡阻山闕三以饑

饑斯多草竊罔不闕一賊劉闕一字案碑張丙等白

日攻剽坐家不命君下車之初闕一五教以博闕一削

四凶以勝殘乃闕三爰尙桓桓拊馬縵害醜類已殫路

不拾遺斯民以安發號施憲每合天心闕一之所惡不

以強人義之所欲不以闕三性樂政而歸于德望如父

母順如流水遷下邳相河東大守舉此闕二君子風也

未怒而懼不令而從雲行雨施闕二大和海內歸公卿

之任矣勞而不伐有實若虛固執謙需以病辭官去位

闔闕一以孝竭闕一餘暇徯徒彈琴擊磬闕二之味而

不改其靜上帝斐譔天秩未究將據師輔之紀闕一綱

闕一疾彌流乃碩乃闕二卅九建甯四年七月辛未闕三

哀哉竟神超邁豈兮冥冥遺孤切絕于嗟想形闕二

哀遠念不欲生羣臣號咷靡所復逞夫逝往不可追兮

功闕三識惟君之軌迹兮如列宿之錯置易建八卦揆

着繫辭述而不作彭祖賦詩皆讚所見于時頌闕二是

闕一吏崔闕三王沛等伏信好古敢詠顯闕一乃刊斯

石欽銘洪基昭示後昆申錫鑒思其辭曰

穆穆我君大聖之胄惇懿允元獻其元秀惟鬱降精誕

生忠良奉應郡貢亮彼我闕一克明王道辯物居方周

闕四也匹名朝無秕政直哉惟清出統華夏化以典成

闕一狷殄迸賢倚闕一庭帝重乃勛自闕二征所臨如

神闕六之翰先民是程宜乎三事金鉉利貞而絜白駒

俾世憤惻當享庸耇莫匪爾極大闕三邈以不意于嗟

悲兮闕三息漫漫庶幾復焉所力咨乎不朽沒而德存

伊尹之休格于皇天惟我君績表于丹青永永無沂與

日月并于嗟闕二于以慰靈

右漢博陵太守孔霽碑霽孔子十九世孫與孔宙

三學古齋校本

蓋弟兄行嘗為尙書侍郎治書御史可謂顯矣闕
里志世表宗譜皆不見其名字而碑文類此亦不
載向微搨本之存則後世不復知有寔矣

孔寔碑陰

故吏司徒掾博陵安平崔烈字威考故吏齊闕博陵

安平崔恢字行孫故吏乘氏令博陵安平王沛字公豫

故吏司空掾博陵安國劉惠字伯桓故吏外黃令博陵

安國劉揚字子長故吏白馬尉博陵博陵齊智字子周

故吏五官掾博陵安平劉麟字翁公故吏五官掾博陵

安平王瑤字顯祖故吏五官掾博陵安平孟循字敬節

故吏五官掾博陵高陽史應字子聲故吏五官掾博陵

南深澤程祺字伯友故吏五官掾博陵南深澤程祚字

元祐故吏五官掾博陵安國劉璣字闕閣

右孔寔碑陰故吏出博陵者凡十有三人故其額

不稱後官而直書博陵洪氏以為故吏函甘棠之

惠痛夏屋之傾相與立碑遂以本郡題其額也此

或得之然予觀漢碑亦往往有書前官者又似不

必拘此金石錄乃云不知何謂非也

漢司隸校尉魯峻碑

君諱峻字仲嚴山陽昌邑人其先周文公之碩胄

闕二字

伯禽之懿緒以載于祖考之銘也君則監營謁者之孫

修武令之子體純毓之德秉仁義之操治魯詩兼通顏

氏春秋博覽羣書無物不采學為儒宗行為士表漢

闕一

字始仕佐職牧守敬恪恭儉州里歸稱舉孝廉除郎中

謁者河內太守丞喪父如禮辟司徒府舉高第侍御史

東郡頓邱令視事四年比縱豹產化行如流遷九江太

守

闕一字

殘酷之刑行循吏之道統政

闕一字

載穆若清風

有黃霸召信臣在潁南之歌以公事去官休神家術未

能一暮為司空王暢所舉徵拜議郎太尉長史御史中

丞延熹七年二月丁卯拜司隸校尉董督京輦掌察羣

寮蠲細舉大權然疏發不為小戚以濟其仁弼中獨斷

以效其節案奏

闕一字

公彈紕五卿華夏祇肅佞穢者遠

遭母憂自乞拜議郎服竟還拜屯騎校尉以病遜位守

疏廣止足之計樂於陵灌園之契閉門靜居琴書自娛

年六十一熹平元年

闕一字

月癸酉卒明年四月庚子葬

于是門人汝南干商沛國丁直魏郡馬萌勃海呂圖任

城吳盛陳畱誠屯東郡夏侯瓘等三百廿人追惟在昔
 游夏之徒作謚宣尼君事帝則忠臨民則惠乃昭告神
 明謚君曰忠惠父息獻不才弱冠而孤承堂弗構析薪
 弗何悲蓼蕢之不報痛昊天之靡嘉闕一企有紀能不
 號嗟菁刊石叙哀其銘曰
 巖巖山岳礪落彰駁堂堂忠惠合德孔爍命闕一時生
 雅度宏綽允文允武厥姿烈邁內懷溫潤外撮強虐督
 司京師驟然情逸闕一當闕一緝職為國之權匪究南山遐
 邇切憫凡百君子欽謚嘉樂永傳億齡晚矣昀

右漢司隸校尉魯峻碑水經注以峻為恭趙氏謂

方輿志寰宇記皆作峻而辯水經之誤子家舊藏

此碑峻字明白可識趙氏果有其本何乃不知而

必證之以地里書也歐陽公謂峻最後為屯騎校

尉而碑首題云司隸校尉莫曉其義隸釋云漢人

碑志或以所重之官揭之司隸官尊而職清非列

校可比故書之也此足以祛歐公之惑鄭夾漈又

謂此碑書于蔡邕按徐浩古迹記其敘邕書惟三

體石經西岳光和殷華馮敦數碑及考其他字書

亦未聞豈嘗書此不知鄭氏何所據也

魯峻碑陰

故吏河內闕一字菅闕一字幼流闕三字故吏九江壽春陳龔

伯闕一字案碑作麟五百故吏九江壽春任闕一字孝長五百故

吏東郡頓邱許瑜伯過五百門生沛國譙丁直闕一字案碑

作闕一字景榮千門生勃海闕二字案碑作高城呂闕一字案碑作圖世階千門

生東郡汝陽段敦登高千門生汝南召陵于商朝公五

百門生南陽新野闕一字案碑作魏顯文闕一字案碑作臺五百門生

平原闕一字案碑作殷乃殷字路龍顯公五百案原本於此門生

平原平西昌王瑞子行五百門生陳雷尉氏胡嵩永高

五百門生陳雷尉氏胡昱仲表五百門生濟陰定陶棣

尊子然百門生任闕一字案碑作城樊兒闕一字案碑作雄太平五百

門生平原樂陵路福世輔三百門生魏郡闕一字邱李牧

君伯三百門生魏郡繁陽王輔子助三百案原本此下又脫四人竝

據碑補錄門生任城任城周普妙高三百門生任城任城吳

盛子興三百門生勃海闕一字合梁愔叔節三百門生河

東蒲反李闕二字時三百門生河東蒲闕一字案碑作反陽闕二字

文智三百門生汝南汝陽鄭立闕二字三百門生東郡闕一字

字邑闕三松二百門生東郡闕一平闕四二百門生東

郡樂平闕一字案碑作邢顯闕二二百門生東郡樂平闕四二

百門生魏郡內黃闕四字案碑上三三百門生魏郡

闕一字案碑作犁陽王闕一字少闕一三百門生汝南濇強尹稜

闕二二百門生汝南濇強尹顯闕二二百門生勃海南

皮劉扶節闕一字二百門生勃海南皮劉盛興闕二二百

門生河閒阜成東鄉農子闕一字二百門生河閒阜成東

鄉恭公闕一字二百門生平原西平昌劉士景闕一字二百

門生平原服張謙伯讓二百門生陳畱尉氏夏統子思

二百門生濟陰乘氏許仁伯德二百門生濟陰闕一字案碑

離狐周維元興二百義士梁國寧陵史強強良二百

右魯峻碑陰歐陽公趙明誠皆失收錄至洪丞相

隸釋於漢碑搜羅殆盡而亦復遺焉予家此碑不

特人聞少有目文字麓完可讀惜不令三公見之

案隸續有魯峻斷碑陰洪氏跋云九十有一人書

姓氏而不名惟徐遠二人有郡藏碑者以為魯碑

陰雖無所據度其石之廣適與魯碑合所存乃其

下之四橫計其上當更有十橫碑載于馬呂吳
誠夏侯等三百二十人為魯作諡七子題名當在
前列一石之上正可容三百二十人之數又字體
頗與魯碑相類若無可疑今攷此碑凡三列存者
僅二列四十一人下一列已漫滅各書郡縣名字

及故吏門生義士之稱并出錢之數與隸續所載無一人同至若為魯作諡之七子洪氏祇懸斷其有而此碑兩列中如于商丁直馬萌呂圖吳盛已明列五人惟誠屯夏侯宏二人無之當在第三列也據此則南濠所錄似較確鑿而洪氏誤以他碑之陰為魯峻耳因獲原碑校正附識于此

漢北海相景君碑

惟漢安二年仲秋

闕二字

故北海相任城景府君卒歟歟

哀哉國

闕二字

寶英彥

闕一字

案隸釋有夫字疑是古失字

疇列宿虧精

晚學後時于何穹蒼布命授期有生有死天寶為之豈夫仁哲攸勉不遺於是故吏諸生相與論曰上在羣后莫不流光闕一字於無窮垂芬耀于書篇身歿而行明體

亡而名存或著形像於列圖或繫頌於管弦後來詠其烈竹帛敘其勲乃作誄曰伏惟

明府受質自天孝弟淵懿帥禮蹈仁根道核藝抱淑守

貞鼎白清方勉已治身寔深寔剛乃武乃文遵考孝謁

假階司農流德元城興利惠民強禦改節微弱蒙恩威

立澤宣化行如神帝嘉厥功授以符命守郡益州路遐

戀親躬作遜讓夙宵朝廷建策

策字

忠讜辨秩東衍璽追

嘉錫據北海相部城十九鄰邦歸向分明好惡先以敬

讓殘僞易心輕黠逾竟鴟梟不鳴分子還養元鰥寡

蒙祐以甯蓄道脩德闕一社以榮紛紛令儀明府體之

仁義道術明府膺之黃朱邵父明府三之台輔之任明

父宜之以病被徵委位致仕民闕一思慕遠近搔首農

夫釋耒商人空市隨輦飲淚奈何朝廷奪我慈父去官

未旬病乃困危珪璧之質臨卒不回闕一賈絕奄忽

不闕一孝子慟悼顛倒剝摧遂闕一勉寤永濟長歸州

里鄉黨隕涕奔哀故吏切怛闕一案碑作低 伺四海冠

蓋驚慟傷懷大命闕一期寔惟天闕一明主設位明府

不就臣子欲養明府弗畱歎歎哀哉

亂曰考績幽窳闕三兮闕四翔議郎兮再命虎將綏元

元兮規英架模主忠信兮羽衛藩屏撫萬民兮闕四恩

闕二兮宜參闕一字案碑作鼎 軼闕一字榦兮不永慶壽棄臣

子兮仁敷海外著甘棠兮闕一字石勒銘闕一字不亡兮

右北海相景君碑金石錄云在濟州任城縣蓋任

氏在漢爲任城人也子按濟州卽今之濟甯州今碑

乃在州學不知何年移置於此通志金石略以不

知其地故直云未詳姚江謝中舍大中近過濟寧

揚以見惠予家自祖宗來藏碑頗富兼以予好收

十學古齋校本

錄中聞得于朋友之助者十常四五如此碑是也

北海相景君碑陰

故闕一 中部督郵都昌羽忠字定公故門下督盜賊劇

闕一字 案碑作騰 頌字 案碑作叔 遠故門下議史平昌蔡規字

中舉故門下書佐闕一 陵孫榮字丑榮故門下書佐瀆

于逢 闕一字 案碑作訢 字 闕一 成故騎吏劇 闕一 麟字 闕一字 案碑

敬石故吏朱虛孫徵字武 闕一 故吏營陵僻逸字伯踰

故吏營陵 闕二字 中 闕一字 故吏都昌呂福字孟 闕一字 故

吏都昌張 闕一字 字光 闕一字 故書佐都昌羽質字孟 闕一字

案碑 故書佐 闕一字 案碑作朱 虛 闕二字 案碑作鞠欣 字君大故書佐

闕一 壽 瀆 于 闕四字 案碑 故書佐營陵徐曾字昌華

故書佐都昌 闕一字 案碑作張 彤 字 闕一字 案碑作朔 甫故書佐瀆于

孫悝字元 闕一字 故書佐營陵鍾顯字 闕一字 案碑作槐 寶 案原

下脫二人 行義劇張敏字公輔故書佐劇乘禹字伯度

故書佐東安平 闕一字 案碑作閻 廣字廣宗故書佐劇紀政字

丑堅故書佐瀆于孫眺字威光故脩行都昌台邱暹字

丑德故脩行都昌董方字季方故脩行營陵 闕一字 字

漢興故脩行都昌 闕二字 案碑作冀遷 字 闕一字 案碑作漢 久故脩行

營陵闕二字案碑作是盛字護宗故脩行營陵闕一字暹字武闕一字

字故脩行營陵臨照字景耀故脩行都昌張駿字臺闕一字

字故脩行營陵滔于登字登成故脩行營陵顏理字中

理故脩行營陵水邱邵字君闕一字故脩行都昌呂興字

丑與故脩行都昌逢進字丑安故書佐劇徐德字漢昌

故書佐劇姚進字元豪故書佐劇邴鍾字元鍾故書佐

都昌張翼字元翼故脩行都昌張闕一字字季遠故脩行

劇中闕一字字季遠故脩行平闕二字案允字伯允故

脩行滔于趙尙字上卿故脩行都昌段音字丑節故脩

行都昌齊晏字闕一字子故午營陵闕一字案碑作是遷字丑達

故午營陵雷敏字元成故午滔于董純字元祖故午營

陵縹良字丑騰故午朱虛良詩字孟道故午都昌呂邱

遷字孟堅故闕二字都昌齊冰字文達故闕一字都昌張亮

字元亮

行三年服者凡八十七人案碑第三列姓名下有此一行原本不載今依隸續補錄

闕二字案虎闕一字故臣吏慎終追遠闕六字案碑

闕一字墳園闕一字禮備陵成闕一字立樹列既就聖典有

制三闕三字當離墓側永懷闕六字以義割志乃著遺辭以

字

明闕三字案碑作厥意魂靈瑕顯降垂嘉祐

右景君碑陰列門下書佐及故吏等中有脩行凡十九人趙氏謂後漢書百官志注河南尹官屬有循行一百三十人而晉書百官志亦有循行以為循修字畫相類遂致譌謬予謂景君碑刻于漢而後漢書舊皆出傳錄則以脩為循者特傳錄之誤耳趙氏不信碑本而信漢書且復引晉書為證殊不知晉書脩于唐其亦曰循行蓋仍漢書之誤而云然也

漢敦煌長史武班碑

建和元年太歲在丁亥二月辛巳朔廿三日癸卯長史

同闕下

敦煌長史武君諱班字宜張昔殷王父丁久伐鬼方元功章炳勳藏王府官族分析因以為氏焉武氏蓋其後也商周假貌歷在曠遠不隕其美漢興以來爵位相踵

闕一字朝忠臣君弟闕一字顏閔之闕一字質長敷旂夏

之文學慈惠寬闕一字孝友元妙苞羅術執貫洞聖闕一字

博兼闕一字耽綜典籍闕三字純求福不回清聲美行闡形

遠近州郡貪其高賢闕二請以闕二歲舉闕一翼紫宮

闕二詔徐光顯王室有闕一於國帝庸加之掌司古闕一

領校祕鄭研闕一幽微追昔劉向辯賈之徒比闕一

萬矣時戎闕二匡正闕一朝廷惟憂闕二有司闕二

舉君斑到官之日闕一癘吏士哮虎之怒薄伐闕九竝

百姓賴之邦域既寧久勞于外當還本朝以敘左右以

永嘉元年闕一月闕一日遭疾不闕一哀闕一於是金

鄉長河間高陽史恢等追惟昔口同歲郎署感闕一為

自古在昔先聖與仁闕二興替闕二人存生勞死哀是

闕一萬年伊君遺德闕一孔之珍故闕一石銘碑以旌

明德焉其辭曰

於惟武君允德允恭受天休命積祉所鍾其在孩提岐

嶷發蹤謙闕一守約惟謹是從孝深凱風志潔羔羊樂

是闕二惇闕一此闕一光肇肇臨川闕見闕一墻庶仰奠首

微妙元通闕一然清選闕六升闕一為帝股肱扶助大

和萬民闕一案碑闕一蒙顯宗闕二史官書功昊天上

帝降茲鞠凶晬忽徂逝闕四不享闕一考大命闕二百

遺闕一寮闕一惟闕一后帝感傷學夫喪師士女悽愴闕一表金

全羅林表卷四 西學古齋校本

門令問不忘垂闕一後昆萬載歎誦

尚書丞沛國蕭曹芝闕一宣成武令中山安熹曹种闕二

字豐令下邳良成徐崇闕二故陳留府丞魯國魯闕四

防東長齊國臨菑菑字紀伯允書此碑嚴祺字伯曾

右漢敦煌長史武斑碑歐陽公謂其字畫殘滅氏


族州里官闕卒葬皆不可見趙氏謂以所藏本考

之斑官闕氏族與卒之年月皆歷歷可辨趙氏生


歐公之後不應其本若是豈歐公者搦于當時而

趙氏者得之古搦耶子家本視趙氏雖若不逮然

亦有可觀者



金薤琳琅卷四



金薤琳琅卷四

金薤琳琅卷五

太僕少卿吳郡都穆

漢執金吾丞武榮碑

漢荊州刺史度尙碑

漢桂陽太守周府君碑

并陰

漢衛尉衡方碑

漢執金吾丞武榮碑

君諱榮字含和治魯詩經韋君章句闕幘傳講孝經論語漢書史記左氏國語廣學甄微靡不貫綜久旂大學

藐然高厲羸於雙匹學優則仕為州書佐郡曹史主簿

督郵五官掾功曹守從事年卅六汝南蔡府君察舉孝

廉闕二郎中遷執金吾丞遭孝相大憂屯守元武感哀

悲慟加遇害氣遭疾隕靈闕四君即吳郡府卿之中子

敦煌長史之次弟也廉孝相承亦世載德不忝闕四命

字闕一不竟台衡蓋觀德於始述行於終於是刊石勒銘

垂示無窮其辭曰

天降雄彥資才卓茂仰高鑽堅允文允武闕一字案碑作幹

三署外闕一師旅闕一勒屯守舊威闕一武闕一旗降

天雷震電舉歡耀赫然陵惟哮席當遂股肱闕一之元

輔天何不弔降此闕一咎瘳乎我君仁如不壽爵不副

德位不稱功威襄傷愴遠近哀同身沒闕二萬世諷誦

右漢執金吾丞武榮碑歐陽公謂其文字殘闕不

見卒葬年月及氏族所出予家本殘闕與歐公同

而隸釋所載者則又往往可讀如云君即吳郡府

卿之仲子敦煌長史之次弟此乃其氏族之所出

也但碑文簡短不書卒葬年月歐公特未之知耳

漢荊州刺史度尚碑

君諱尚字博平其先出自顓頊與楚同姓熊嚴之後闕

亦世掌位統國法度秦兼天闕和之純質秉黃中之

正性知含淵藪仁隆春煖義高秋雲行潔冰霜忼慨壯

厲臨闕休譽固已著矣及其典牧必招振賢才抽拔幽

逸選召所任極當世之秀士養民有闕令聞彌崇暉光

日新可謂盛德者已初奉歲計拜郎中除上虞長元化

潛洞百姓闕數縣恩信並宣令行禁止以從父憂去官

更舉孝廉為右校令是時南蠻蠢動擢拜闕醜殊俗賓

服遠人用綏封右鄉侯遷遼東太守旬月之間歲貉宵

輯會揚賊畔於闕拜中郎將料敵制勝威謀合神持重

優於營平深入則輕冠軍附士渥於李廣御眾闕同滋

味必達并辨幕然後飲舍惠以厚下說以犯難是故所

征輒剋師徒無頓闕寇殄殪干戈載戢走馬以糞朝食

厥重復拜荊州刺史以故秩居冊書慰荐因賜闕之荆

域號慕雖周人之思召伯弗此踰也於是故吏感清廟

之頌歎斯父之詩乃闕曰

於惟我侯允懿允明文武是該克忠克貞粵初發藻在

彼上虞邁種厥德闕矣匪祿是榮無言不讎帝揚厥聲

俾作配

闕一

往撫於荆撫荆惟何南夏是

闕下

邦家截彼

海外績莫匪嘉天生我侯實為民望心乎其愛四方是

叩如何不永

闕下

而不朽芳烈遺兮

永康元年歲在鶉尾龍集丁未時維

闕二

歲

闕下

右漢荊州刺史度尚碑尚後漢書有傳碑今在徐

州州治蓋成化閒吾鄉顧君崇善以工部郎中管

理河道見其淪於湖陵城開出之遂置於此按酈

道元水經注云湖陵城東有度尚碑則自漢至晉

自晉至今而此碑未嘗徙也又隸釋云政和中巡

檢王當世見其在湖陵荒野遷之官廨後邑令滕

君欲徙碑於沛舟載而覆沈沒不出又其後劉宗

儀攝令乃立之於使星亭然不知此碑何年復淪

入水中今惟存其首漢荊州刺史度侯之碑九字

其餘文字悉皆漫滅特頑然片石而已蓋聞水撞

激日久其字之不存宜也

漢桂陽太守周府君碑

桂陽太守周府君者徐州下邳人也諱憬字君光體性

敦仁天資篤厚行興闔門名

闕一

州里舉孝廉拜尚書

闕一

字

四學古齋校本

侍郎遷汝南固始相遂拜桂陽廼宣魯衛之政敷二南
之澤政以德綏化猶風騰撫集烝細闕一字綏有方進則

貞直退則錯杆崇舉濟濟吉士充朝招訓闕一字蒙開誘

六蔽君子道長小人道消信感神祇靈瑞符闕一字嘉穀

生於野奇草像闕一字案隸釋作蕙莆異根之樹超然連理於

此闕一字時邦域惟寧郡又與南海接比商旅所臻自瀑

亭至乎曲紅壹由此水其水源也出於王禽之山山蓋

隆闕二字于天泉肇沸踊發射其顛分流離散為十二川

彌陵墜阻邱阜錯連隅陬壅遏末由騁焉爾乃貫山鑽

石經闕四字揚爭怒浮沈潛伏虵龍結屈豐隆鬱浥千渠

萬澮合聚谿澗下迄安闕一字案隸釋作甌六龍作難湍瀨闕

釋作漁漁案隸泣云潺湲雖詩稱百川沸騰高岸為谷深谷

為陵蓋莫若斯天軌所經惡得已改其下注也若奔車

失轡狂牛無縻闕一字勿荒忽臚睦不相知及其上也則

羣輩相隨檀柁提闕一字唱號忼慨沈深不前其成敗也

非徒喪寶玩隕珍奇替珠貝流象犀也往古來今變甚

終矣于是府君乃思夏后之遺訓闕一字應龍之畫傷行

旅之悲窮哀闕一字案人困厄感蜀守冰珍絕犁維

推嘉夫昧淵永用夷易廼命良吏闕一字案帥壯夫

排積闕一字案石投之寥闕二字高填下鑿截回曲弼

水之邪性順導其經脈斷硬溢之電波弱陽侯之汹涌

由是小溪蹊乃平直大道允通利抱布貿絲交易而至

升涉周旋功萬於前除昔闕二字樹基於茲雖非龍門之

鴻績亦人君之德宗故船人歎於水渚行旅語于塗陸

孔子曰禹不決江疏河吾其魚矣於是熹平三年歲在

攝提仲冬之月曲紅長零陵重安區祉字景賢遵承典

憲宣揚德訓帥禮不越欽仰高山乃與邑子故吏龔臺

郭蒼龔雒等命工擊石建碑於瀧上勒銘公功傳之萬

世垂示無窮其辭曰

乾以剖兮建兩儀剛柔分兮有險夷咨中嶽兮穆崔嵬

歎衡林兮獨傾騰增陵隋兮甚隘崎鮫莫涉兮禹不規

仰王禽兮又崑崙俯瀧淵兮怛以悲岸參天兮無路溪

石縱橫兮流洄洄波隆隆兮聲若雷或抱貨兮以從利

或追恩兮有赴義泥舟楫兮有不避闕一字躬軀兮於元

池委性命兮於芒縑惛寒慄兮不皇計忽隨流兮殆忘

歸懿賢后兮發聖筭閉不通兮治斯谿蹙巨石兮以湮

填開切

闕一字 隸釋作恧

案

兮導曲機摧六瀧兮弱兮

闕五字

兮散

其波威怒定兮混瀾瀾息聊湫兮

闕五字

逝兮蛟龍藏陸

老唱兮臚人歌名冠世兮超踰倫今稱

闕一字

兮耀流沙

功斐斐兮鏡海裔君乎君乎壽不訾

右漢桂陽太守周府君碑歐公謂其名已殘闕但

知其字為君光而已趙氏引曾南豐之言謂周君

名昕以為歐公考之未詳而其後小字復謂歐公

集別有一跋云周君名憬而又以為字頗近之子

按隸釋云君諱憬字君光與歐公後跋正合則南

豐所謂名昕者固為失之而趙氏又何必置疑於

其閒哉

此碑元季廬陵陳謨跋謂漢刻本在瀧上唐重刻

本在曲江廟中不知何時徙置郡學韶州守錢旭

既新府治以韶在漢屬桂陽乃徙置之後楊文貞

公跋亦云碑在韶州府治按府治今為淮王府碑

由是仍徙曲江廟中東廣漢碑絕少所有惟斯而

已

周府君碑陰

故曲紅長零陵重安區祉字景賢故含涯長南郡關一字

案隸釋蒼陸字關一夏故滇陽守長南平丞長沙漠昌

寒祇字宣節故行事耒陽華夏字漢威故荊州從事曲

紅龔臺字少謙故荊州從事曲紅郭蒼字伯起故荊州

從事柳王鼎字季尼故南部督郵曲紅龔雒字關一然

故吏曲紅鄧音字孝直故吏曲紅朱隲字義德故吏曲

紅張涼字子才故吏曲紅龔達字叔通故吏曲紅黃部

字世尼故吏曲紅周蓋字伯嘗故吏曲紅黃學字子齊

故吏曲紅馬珪字元序故吏曲紅潭承字曼昇故吏曲紅

劉鵠字季產故吏曲紅黃祺字叔仁故吏曲紅周習字

仲鸞故吏曲紅劉越字子省故吏柳楮禧字關一讓故

吏耒陽蔡關一字已明故滇陽左尉零陵泉陵關三故

吏滇陽劉萌字仲關一故吏滇陽左勝字仲升故吏滇

陽左蘇字妙舉故吏滇陽宋碩字子張故吏含涯堯禹

字公制故吏含涯張邵字曼威故吏含涯黃詳字伯節

工師南陽宛王遷字子彊

漢衛尉衡方碑

府君諱方字興祖肇先蓋堯之苗本姓關二則有伊尹

在殷之世號稱阿衡因而氏焉闕三字土家于平陸君之

烈祖少以儒術安貧樂道履該顏原兼脩季由聞斯行

諸砥仁癘闕四字土階夷愍之責經常伯之賓位左馮翊

先帝所尊垂名竹帛考廬江太守兄鴈門太守闕三字孝

長發其祥誕降于君天資純懿昭前之美少以文塞敦

龐允元長以欽明耽詩悅書闕三字秋仕郡辟州舉孝廉

除郎中即邱侯相膠東令遵尹鐸之導保鄣二城參國

起按斑敘闕三字本肇末化速郵置州舉尤異遷會稽東

部都尉將繼南仲邵虎之軌飛翼軫之旄操參闕三字綏

來王之蠻會喪太夫人感背闕一字人之凱風悼蓼儀之劬

勞寢闇苦闕一字仍闕一字上言倍榮向哀札服祥除

徵拜議郎右北平太守尋李廣之在邊恢魏絳之和戎

戎戢土佚費省巨億懷闕四字靜有績遷穎川太守脩清

滌俗招拔隱逸光大茅茹國外浮闕一字界繆動氣

泄狂闕五字歸來洙泗用行舍藏徵拜議郎遷大醫令京

兆尹舊都餘化詩人所詠並有亡新君闕四字隆寬慄鶉

火光物隕霜剿姦振滯起舊存亡繼絕恩降乾太威肅

剝川闕二字本朝錄功入登衛闕二字翼紫宮夙夜惟寅委蛇

在公有單襄穆典謨之風詔選賢良招先逸民君務在

闕一失順其文舉已從正者退就勅巾永康之末君衛

孝桓建寧初政朝用舊臣雷拜步兵校尉處六師之帥

維時假階將授緹袞職受任浹旬奄離寢疾年六十有

三建甯元年二月五日癸丑卒詔遣使闕二弔賻禮百

賓臨會莫不失聲其年九月十七日辛酉葬蓋雅頌興

而清廟肅中庸起而祖宗闕一故仲尼既沒諸子綴論

斯于作歌用昭于宣闕一字案碑以旌德銘以勒勳

於是海內門生故吏闕三宋嘉石樹靈碑鐫茂伐祕將

來其辭曰

峨峨我君懿烈孔純高朗神武歷世忠孝馮隆鴻軌不

忝前人寬猛不主德義是經韜綜頂闕一溫故前呈攬

英接秀踵迹晏平初據百里顯顯令聞濟康下民曜武

南會邊民是鎮惟闕三憂及退身參議帝室剖符守藩

北靖闕二有聲旋守中囂幽滯以榮邁種舊京

闕四含澤戴仁闕二攸甯剋長剋君不虞不揚維明維

允耀闕一字聲香能慙能惠剋亮天功入統闕二赴

赴光光法言稽古道而後行兢兢業業素絲羔羊閭閻

侃侃顛顛昂昂何規履渠金玉其相蹇蹇王臣羣公憲

章樂旨君子闕二字无疆銘勒金石闕五字問闕二字萬世是

傳門生平原樂陵未登字仲下闕

右漢衛尉衡方碑其敘門閥云伊尹在殷號稱阿

衡因以為氏君考廬江太守兄鴈門太守敘官秩

云歷郎中郎邱侯相膠東令遷會稽東部都尉徵

拜議郎北平潁川兩太守太醫令京兆尹入登衛


尉至步兵校尉敘卒葬云年六十三建寧元年二


月五日癸丑卒其年九月十七日辛酉葬文字詳

悉頗為完好漢碑中之不易得者洪丞相謂碑云

履該顏原即顏淵原憲子觀其下繼之云兼修季

由蓋仲由一字季路季由即季路也





金薤琳琅卷五

金薤琳琅卷六

太僕少卿吳郡都穆

漢酸棗令劉熊碑

漢淳于長夏承碑

漢西嶽華山廟碑

漢元儒先生婁壽碑

漢蕩陰令張君碑

漢酸棗令劉熊碑

君諱熊字孟闕一廣陵海西人也厥祖天皇大帝垂精

接感篤生聖明

闕一字

仍其則子孫亨之分源而流枝葉

扶疏出王別允受爵列上封侯載德相繼丕顯

闕五字

光

武皇帝之元孫廣陵王之孫俞鄉侯之季子也誕生照

明岐嶷踰絕長

闕四字

柴守約履勤體聖心敷敦五經之

璋圖兼古業覈其妙行脩言道

闕五字

宜京夏莫不師叩

六藉五典如源如泉既練州郡卷舒委隨忠貞

闕一字

效

官

闕三字

出省揚土流化南城政猶北辰衆星所從三祀

有成來臻我邦循東

闕一字

之惠抑

闕一字

禮官賞進厲頑

約之以禮博之以文政教始初慎徽五典勤恤民殷

字心願下

闕二字

仁恩如冬日威猛烈炎夏貪究革情清

脩勸慕德惠潛流鬯芳布九愍縣

闕一字

濟濟之儀孜

孜之踰帥厲後學致之雍泮草上之風莫不嚮應悅誨

日新砥

闕二字

素七業勃然而興感居今而好古雖未盡

道善必有所由處民之秉彝是我劉父其人魯無君子

斯焉取旃允我劉父言善誘人講禮習聆匪徒豐學屢

獲有年

闕一字

載克成神民協欣兩不相傷故德交歸焉

自古在昔先民有作洪勳則甄盛德

闕一字

刻表諸來世

垂之罔極褒賢表善揚幽拔微式序在位量能授宜官

無曠事闕二字為正以卒為更愍念烝民勞苦不均為作

正彈造設門更富者不獨逸樂貧者闕一字順四時接和

感暢歲為豐穰賦稅不煩實我劉父吏民愛若慈父畏

若神明悔闕一字令德清越孤竹德牟產奇誠宜褒顯照

其憲則乃相闕一字咨度諷詢采摭謠言刊闕一字詩三章

其辭曰

清和穆鑠寔惟乾闕一字惟嶽降靈篤生我君服骨

獻聖允鍾厥醇誕生岐疑言協闕一字墳懿德震耀孝行

通神動履規繩文彰彪績成是正服以道德民

有父子然後有君臣理財正辭束帛莩莩闕一字慶刻像

雀鳴一震天臨保漢寔生闕一字勲明試賦授夷夏已親

嘉錫來撫潛化如神其神伊何靈不傷人其言激厲之

猗歟明哲秉道之樞養闕一字之福惟德之隅淵乎其長

渙乎成功闕一字暇民豫新我闕一字通用行則達以誘我

邦賴茲劉父用說其闕一字澤零年豐黔首歌頌

右漢酸棗令劉熊碑集古錄作俞鄉侯季子碑且

謂碑云君諱熊字孟下闕一字復引後漢書光武

子曰廣陵思王荆荆子元壽等四人皆封鄉侯而

三學古齋校本

不載其名

案後漢書元壽紹封廣陵侯其弟三人皆封鄉侯此叙次未甚明晰

俞鄉

侯者不知為誰金石錄引酈道元水經注云酸棗

城內有漢縣令劉孟陽碑則所缺一字當從水經

為陽又引李利涉編古命氏及唐宰相世系表皆

云荆王

案王字疑衍

生俞鄉元侯平生彪襲封則熊

當為彪之弟乃光武曾孫而曰元孫者碑之誤也

隸釋歐陽公不知碑在酸棗無以名其官遂謂之

俞鄉侯季子碑而引王建題此碑詩云不向圖經

中舊見無人知是蔡邕碑而又疑其非中郎筆法

予則以為建生于唐其云蔡邕碑者蓋本之圖經

而非鑿空而言洪氏不當於此而疑之也

漢道子長夏承碑

君諱承字仲充東萊府君之孫大尉掾之中子右中郎

將弟也累葉牧守印紱典據十有餘人皆德任其位名

豐其爵是故寵祿傳于歷世策薰著於王室君鍾其美

受性淵懿含和履仁治詩尚書兼覽羣藝靡不尋暢州

郡更請屈已匡君為主簿督郵五官掾功曹上計掾守

令冀州從事所在執憲彈繩糾枉忠絜清肅進退以禮

允道篤愛先人後已克讓有終察孝不行大傅胡公歆
其德美旌招俯就羔羊在公四府歸高除滔于長到官
正席流恩褒善糾姦示惡旬月化行風俗改易輻軒六
轡飛躍臨津不日則月皓天不弔殲此良人年五十有
六建甯三年六月癸巳淹疾卒官嗚呼痛哉臣隸辟踊
悲動左右百姓號咷若喪考妣咳孤憤泣忉怛傷摧勒
銘金石惟以告哀其辭曰

於穆皇祖天挺應期佐時理物紹縱先軌積行勤約燕
于孫子君之羣威並時繁祉明明君德令問不已高山

景行慕前賢列庶同如蘭意願未止中遭冤友不終其
紀夙喪實祚早喪懿寶抱器幽潛永歸蒿里痛矣如之
行路感動儻魂有靈垂後不朽

右漢滔于長夏承碑金石錄云元祐中洛州因治

河得之於土壤中刻畫完好如新隸釋云此碑字
體奇怪唐人蓋所祖述又引梁庾元威論書載隸
有十餘種此乃其閒之一體宋鄭嶠書衡云漢石

經諸刻乃隸體八分夏承碑乃篆體八分然三家
皆不言爲何人書也元王文定公憚跋此碑云蔡

邕書夏承碑如夏金鑄鼎形模怪譎雖蛇神牛鬼
虺雜百出而衣冠禮樂已胚胎乎其中所謂氣凌
百代筆陣堂堂者乎子由是始知爲中郎之蹟碑
在今廣平府學後刻尙書蔡邕伯喈及永樂七年
等字乃庸妄人所加然心竊疑之楊文貞公集中
亦有此跋謂近歲廣平府民因治河得此蓋廣平
古洛地也所謂近歲恐卽永樂七年子向官京師
時廣平通判山西宋孟清爲子言府學復有一碑
字與此類予益疑焉江陰徐子擴好奇士也嘗得

舊刻雙鉤其字近以惠子與此絕異此云勤紹舊
刻作勤約且其閒字之闕者四十有五而此獨完
好則其僞不俟乎言而予昔日之疑始釋然矣

楊公跋又謂中書舍人陳登以碑爲蔡伯喈書蓋
不攷王氏文集之故後公撰登墓志言永樂間以
篆書名者登之外有吳中滕用亨及四明王尹實

子觀三家之篆用亨第一登不能逮若尹實則惟
用燥筆又在登之下登門人有程南雲者以篆書
得至顯官其用筆雖熟然殊乏古法觀此亦可以

知其師矣

漢西嶽華山廟碑

周禮職方氏河南山鎮曰華謂之西嶽春秋傳曰山嶽則配天乾坤定位山澤通氣雲行雨施既成萬物易之義也祀典曰日月星辰所昭印也地理山川所生殖也功加于民祀以報之禮記曰天子祭天地及山川歲徧焉自三五迭興其奉山川或在天子或在諸侯是以唐虞疇咨四嶽五歲壹巡狩皆以四時之中月各省其方親至其山柴祭燔燎夏商則未聞所損益周鑒於二代

十有二歲王巡狩殷國亦有事于方嶽祀以圭璧樂奏六歌高祖初興改秦淫祀太宗承循各詔有司其山川在諸侯者以時祠之孝武皇帝脩封禪之禮思登假之道巡省五嶽禋祀豐備故立宮其下宮曰集靈宮墜曰存僊墜門曰望仙門仲宗之世重使使者持節祀焉歲一禱而三祠後不承前至于亡新滯用邱虛訖今垣趾營兆猶存建武之元事舉其中禮從其省但使二千石以歲時往祠其有風旱禱請祈求靡不報應自是以來百有餘年有事西巡輒過享祭然其所立碑石刻紀時

事文字摩滅莫能存識延熹四年七月甲子宏農大守
安國亭侯汝南袁逢掌華嶽之主位應古制脩廢棄頓
閱其若茲深達和民事神之義精通誠至禱祭之福乃
案經傳所載原本所由銘勒斯石垂之于後其辭曰
巖巖西嶽峻極穹蒼奄有河朔遂荒華陽觸石興雲雨
我農桑資糧品物亦相瑤光崇觀二州古曰雖梁馮于
幽岐文武克昌天子展義巡狩省方玉帛之贄禮與岱
亢六樂之變舞以致康在漢中葉建設宇堂山嶽之守
是秩是望侯惟安國兼命斯章尊脩靈基肅共壇場明

德惟馨神歆其芳遏禳凶札孳斂吉祥歲其有年民說
無疆

袁府君肅恭明神易碑飾闕會遷京兆尹孫府君到欽
若嘉業遵而成之延熹八年四月廿九日甲子就袁府
君諱逢字周陽汝南汝陽人孫府君諱璆字山陵安平
信都人時令朱頡字宣得甘陵鄒人丞張芳字少游河
南京人左尉唐佑字君惠河南密人主者掾華陰王萇
字德長京兆尹勅監都水掾霸陵杜遷市石遣書佐新
豐郭香察書刻者潁川邯鄲公脩蘇張工

闕一字
案碑作遷

右漢西嶽華山廟碑子得之御史宋君良弼集古錄引碑文云漢武帝巡省五嶽立宮其下宮曰集靈殿曰存仙門曰望仙而以爲集靈宮者他書皆不見惟見此碑金石錄引漢地理志云華陰有集靈宮水經注云敷水北經集靈宮而謂不特此碑載之及觀之董氏書跋云集靈宮漢志旣書之桓譚嘗賦之張景序曰世宗經集靈之宮而復謂三輔黃圖書其制度藝文類聚亦書其名則又金石

錄之所未及者此亦可以見博古之難矣

此碑後題云新豐郭香察書楊文貞公跋謂漢魏之碑多不載書刻人氏名此獨詳焉遂因之有聞于今而文貞惟以爲郭香書而不曰香察其意蓋疑香察不類人名故也隸釋云東漢循王莽之禁人無二名郭香察書者察莅他人之書其說爲得此文貞之所未知然洪氏亦不言爲何人書也按徐浩古迹記以碑爲蔡中郎書浩深于字學且生唐盛時殆非鑿空而言洪氏失之于不攷耳

漢元儒先生婁壽碑

先生諱壽字元考南陽隆人也曾祖父脩春秋以大夫侍講至五官中郎將祖父太常博士徵朱爵司馬親父安貧守賤不可營以祿先生童孩多奇岐嶷有志挽髮傳業好學不厭不脩廉隅不飭小行溫然而恭慨然而義善與人交久而能敬榮且溺之耦耕甘山林之杳靄遜世無悶居佚淨漠徠衡門下學上達有朋自遠冕紳莘莘朝夕講習樂以忘憂郡縣禮請終不回顧高位厚祿固不動心鹿絺大布之衣糲糒蔬菜之食蓬戶茅

宇椽樞甕牖樂天知命權乎其不可拔也是以守道識

真之士高尚其事鄉邨州鄰闕一字親愛懷年七十有八

熹平三年正月甲子不祿國人乃相與論德處諡刻石

作銘其詞曰

皇矣先生懷惠惟明優於春秋元嘒有成知賤為貴與世無爭徠徠衡門禮義滋醇窮下不苟知我者天身歿聲鬯千載作珍繇之日月與金石存

右漢元儒先生婁壽碑集古錄云在光化軍乾德

縣子自夷陵貶所再遷乾德令壽有墓在穀城界

中而碑在墓側遂遷碑還縣立于勅書樓下則碑
在當時得免于毀棄者歐陽公之力也隸釋云元
儒先生蓋國人私諡猶陳寔之文範法真之元德
而其末流之弊更相標榜三君八顧之目紛然而
奇禍作矣子謂漢人之好標榜其罹禍固宜然自
漢至今千有餘年而私諡不廢亦未聞有罹禍者
此又不可以執一論也光化軍卽今襄陽府之光
化縣而乾德亦其地云

漢蕩陰令張君碑

君諱遷字公方陳雷已吾人也君之先出自有周周宣
王中興有張仲以孝友爲行披覽詩雅煥知其祖高帝
龍興有張良善用籌策案舊本作蕭何謀今改正在帷幕之內決勝
負千里之外析圭於雷文景之間有張釋之建忠彌之
謨帝遊上林問禽狩所有苑令不對更問嗇夫嗇夫事
對於是進嗇夫爲令令退爲嗇夫釋之議爲不可苑令
有公卿之才嗇夫喋喋小吏非社稷之重上從言孝武

時有張騫廣通風俗開

闕一字

畿寓南苞八蠻西羈六戎

北震五狄東勒九夷荒遠旣殞

通作

各貢所有張氏輔

漢在載其德爰既且案此二字合作暨於君蓋其纒纏纒戎鴻

緒牧守相係不殞高問孝弟於家中謇於朝治京氏易

聽麗權略藝於從畋少為郡吏隱練職位常在股肱數

為從事聲無細聞徵拜闕一中除穀城長蠶蠶字月之務

不閑四門臆正之際休囚歸賀八月莢案即算字舊誤作莢今改正

民不煩於鄉隨就虛落存恤高年路無拾遺黎種宿野

黃巾初起燒平闕一市斯縣獨全子賤孔稜闕一道區

別尚書五教君崇其寬詩云愷悌君隆其恩東里潤色

君垂其仁邵伯分陝君懿于棠晉陽珮璋通作西門帶

弦君之體素能雙其勛流化闕一基遷蕩陰令吏民頡

頤隨送如雲周公東征西人怨思奚斯讚魯考父頌殷

前詰遺芳有功不書後無述焉於是刊石豎表銘勒萬

載三代以來雖遠猶近詩云舊國其命惟新

於穆我君既敦既純雪白之性孝友之仁紀行來本蘭

生有芬克岐有兆綏御有勛利器不覲魚不出淵國之

良幹垂愛在民幣沛棠樹溫溫恭人乾道不繆惟淑是

親既多受祉永享南山千祿無疆子子孫孫



惟中平三年歲在攝提二月震節紀日上旬陽氣厥析

感思舊君故吏韋萌等僉然同聲賃師孫興刊石立表
以示後昆共享天祚億載萬年

右漢蕩陰令張君碑碑云君陳畱已吾人治京氏
易少爲縣吏徵拜郎中除穀城長遷蕩陰令後云
中平三年二月故吏韋萌等刊石立表蓋其去思
碑也字特完好可讀漢碑中之不易得者攷之東
漢地里志蕩陰屬河內郡卽今彰德府之湯陰縣
已吾屬陳畱郡卽今開封府之夏邑縣

此碑予官京師時嘗於景太史伯時處見舊搨本
不及錄近得之友人文徵仲按隸釋云東漢及魏
其碑到今不毀者十才一二凡歐趙錄中所無者
世不復有子生去宋數百年而此本兩見歐趙錄
中蓋未嘗載隸釋并隸續亦無其文通志金石略
所載碑目雖多然亦未之及乃知昔人之言未必
可信而舊物之在天壤閒者固不可盡謂之無也





金苑珠璣卷六

